

Na osnovu člana 104. Statuta općine Ilijaš – prečišćeni tekst ('Službene novine Kantona Sarajevo' br. 20/09) i člana 88. Poslovnika Općinskog vijeća Ilijaš ('Službene novine Kantona Sarajevo' br. 32/05), Općinsko vijeće Ilijaš na svojoj XIV sjednici održanoj 29.12.2009. godine, donijelo je :

ZAKLJUČAK

Član 1.

Prihvata se Nacrt Odluke o izvršavanju Budžeta općine Ilijaš za 2010. godinu i stavlja na javnu raspravu.

Član 2.

Nacrt Odluke o izvršavanju Budžeta općine Ilijaš za 2010. godinu stavlja se na javnu raspravu, kako slijedi :

- objavom putem web strane općine Ilijaš
- objavom na oglasnoj ploči općine Ilijaš

U javnoj raspravi učestvovat će : mjesne zajednice, budžetski korisnici, političke stranke i ostale asocijacije i udruženja građana.

Član 3.

Javna rasprava o Nacrtu Odluke o izvršavanju Budžeta općine Ilijaš za 2010. godinu, se određuje u trajanju od 20 dana, počev od 30.12.2009. godine do 20.01.2010. godine.

Javna prezentacija Nacrta Odluke o izvršavanju Budžeta općine Ilijaš za 2010. godinu, održat će se u „velikoj sali općine Ilijaš“ dana 05.01.2010. godine sa početkom u 13,00 sati, a istu će provesti Služba za privredu, finansije i investicije.

Član 4.

Nakon provedene javne rasprave primjedbe i prijedloge će se dostaviti Službi za privredu, finansije i investicije u pisanoj formi ili putem e-maila, najkasnije do 21.01.2010. godine - 15,00 sati.

Primjedbe i prijedlozi dostavljeni poslije navedenog roka neće biti uzeti u razmatranje.

Član 5.

Ovaj Zaključak stupa na snagu danom donošenja.

Broj : 01 / 1-02-1541-4 / 09.
Ilijaš, 29.12.2009. Godine



Na osnovu člana 25. do 34. Zakona o budžetima u Federaciji BiH ('Službene novine Federacije BiH' br. 19/06), člana 55. tačka 6. Statuta općine Ilijaš – prečišćeni tekst ('Službene novine Kantona Sarajevo' br. 20/09), te člana 85 Poslovnika Općinskog vijeća ('Službene novine Kantona Sarajevo' br. 32/05), Općinsko vijeće Ilijaš na svojoj _____ sjednici održanoj _____.2008. godine, donijelo je :

O D L U K U

o izvršavanju Budžeta općine Ilijaš za 2010. godinu

Član 1.

Ovom odlukom utvrđuje se način izvršavanja Budžeta općine Ilijaš za 2010. godinu (u daljem tekstu : Budžeta), upravljanje prihodima i izdacima Budžeta, te prava i obaveze korisnika budžetskih sredstava.

Član 2.

Budžet se sastoji od općeg i posebnog dijela.

Opći dio Budžeta se sastoji od bilansa prihoda i primitaka, i izdataka, a posebni dio sadrži detaljan raspored i vrstu izdataka po korisnicima.

Član 3.

Budžetom se osiguravaju sredstva za funkcionisanje Općinskog vijeća i Jedinственог općinskog organa uprave, te sredstva za tekuće i kapitalne grantove i za kapitalne izdatke.

Budžet izvršava Općinski načelnik shodno važećim zakonskim propisima.

Općinski načelnik može koristiti sredstva Budžeta samo za namjene koje su određene Budžetom.

Budžet može primiti namjenske primitke i grantove koji se realizuju po namjeni davaoca primitka i granta neovisno od plana Budžeta. Ovo se odnosi na namjenske grantove Kantona i drugih nivoa Vlada, namjenske donacije i sl.

Član 4.

Općinski načelnik je dužan u izvršenju Budžeta uskladiti dinamiku realizacije obaveza po Budžetu sa dinamikom priliva i odliva sredstava.

Izuzetno ako u toku godine zbog nastanka novih obaveza dođe do povećanja rashoda ili se smanje prihodi načelnik može donijeti odluku o obustavljanju izvršavanja pojedinih rashoda ili izdataka u trajanju od 45. dana.

Mjerama privremenog obustavljanja izvršenja budžeta Općinski načelnik može :

1. Zaustaviti preuzimanje obaveza ;
2. Predložiti produženje ugovorenih rokova plaćanja ;
3. Korigovati transfere za sve budžetske korisnike za isnos procenta smanjenja tekućih prihoda u odnosu na plan budžeta, a na osnovu kvartalnih izvještaja ;

Član 5.

Ukoliko mjere iz člana 4. stav 2. ne daju rezultate pokreće se postupak Izmjena i dopuna Budžeta.

Ako se tokom godine zbog izvanrednih prilika i potreba povećaju izdaci ili smanje prihodi ili primici, Budžet se mora uravnotežiti sniženjem planiranih izdataka ili pronalaženjem novih prihoda. Pored toga ako prihodi značajno porastu Općinski načelnik može odlučiti da se započene sa postupcima Izmjena i dopuna Budžeta.

Uravnoteženje se provodi putem Izmjena i dopuna Budžeta po postupku za donošenje Budžeta. Općinsko vijeće može odlučiti da Izmjene i dopune Budžeta donese po postupku jednog čitanja.

Član 6.

Općinsko vijeće razmatra i usvaja polugodišnji i godišnji izvještaj o izvršenju Budžeta o rokovima predviđenim Zakonom o budžetima Federacije BiH.

Općinskom vijeću se dostavlja informacija o izvršenju budžeta za period I – III i I - IX.

Član 7.

Postupak nabavke roba, radova i usluga mora se provoditi u skladu sa Zakonom o javnim nabavkama („Službene glasnik BiH“ br. 49/04, 19/05, 52/05, 8/06, 24/06, 70/06 i 12/09).

Član 8.

Sredstva utvrđena u Budžetu :

- ekonomski kod 611110 – Bruto plaće i naknade, isplaćivat će se u skladu sa Odlukom o koeficijentima za obračun plaća i naknada i Odluke o utvrđivanju koeficijenata za funkcionere koje bira Općinsko vijeće, a u skladu sa zakonskim propisima.
- ekonomski kod 611200 – Naknade zaposlenih isplaćivat će se maksimalno do visine neoporezivog dijela naknada shodno važećim zakonskim propisima

Član 9.

Sredstva utvrđena u Budžetu – ekonomski kod 613000 – Izdaci za materijal i usluge raspoređuje Općinski načelnik shodno planu Budžeta.

Član 10.

Sredstva utvrđena u Budžetu :

- ekonomski kod 613975/613971 – Naknade zastupnicima i komisijama Općinskog vijeća isplaćivat će se shodno Odluci o visini naknade vijećnicima, članovima stalnih i povremenih radnih tijela Općinskog vijeća Ilijaš, na bazi mjesečnih obračuna koje sastavlja Sekretar Općinskog vijeća.
- ekonomski kod 613977 – izdaci za članove savjeta MZ isplaćuju shodno mjesečnom obračunu koji sastavlja Pomoćnik načelnika za opću upravu i lokalnu samoupravu, a u skladu sa zaključkom Općinskog načelnika kojima se reguliše visina naknade i način obračuna ;
- ekonomski kod 613979 – izdaci za jedinicu i članove štaba CZ isplaćuju shodno mjesečnom obračunu koji sastavlja Pomoćnik načelnika za civilnu zaštitu, a u skladu sa zaključkom Općinskog načelnika kojima se reguliše visina naknade i način obračuna ;

Član 11.

Sredstva utvrđena u Budžetu :

- ekonomski kod 614129 – Općinska izborna komisija, transferišu se mjesečno u visini 1/12 plana za potrebe rada komisije.

Član 12.

Sredstva utvrđena u Budžetu :

- ekonomski kod 614221 – Novčana pomoći isplaćuje se na osnovu Odluke o odobravanju i isplati jednokratne novčane pomoći osobama u stanju socijalne potrebe a na bazi pojedinačnih odluka odobrenih od strane Općinskog načelnika.
- ekonomski kod 614222 – Novčana pomoć invalidnim licima isplaćuje se paraplegičarima sa mjestom stanovanja na području općine Ilijaš na osnovu rješenja Službe za boračko-invalidsku zaštitu, socijalnu zaštitu i raseljena lica kojim se utvrđuje status paraplegičara, u pojedinačnoj visini od 200,00 KM mjesečno.
- ekonomski kod 614232 – Izdaci za vojne invalide, ranjene borce i porodice poginulih i isplaćuju se na ime troškova pokopa i dženaza a na osnovu pojedinačnih odluka odobrenih od strane Pomoćnika načelnika za boračko-invalidsku zaštitu, socijalnu zaštitu i raseljena lica.
- ekonomski kod 614233 – Izdaci za raseljena lica isplaćuju se na ime troškova deložacija i alternativnog smještaja na osnovu pojedinačnih odluka odobrenih od strane Pomoćnika načelnika za boračko-invalidsku zaštitu, socijalnu zaštitu i raseljena lica, a na osnovu zaključka Općinskog načelnika koji reguliše ovu oblast.
- ekonomski kod 614234 – Stipendije se isplaćuju mjesečno na osnovu Odluke i Plana Općinskog vijeća o stipendiranju učenika i studenata.
- ekonomski kod 614253 – Izdaci za zdravstvenu zaštitu lica preko 65. godina, isplaćuju se na ime zdravstvenog osiguranja lica preko 65. godina u skladu sa članom 8. tačka 9. Odluke o osnovicama i stopama doprinosa za obavezno zdravstveno osiguranje za Kanton Sarajevo, a na osnovu rješenja od strane Službe za boračko-invalidsku zaštitu, socijalnu zaštitu i raseljena lica.

Član 13.

Sredstva utvrđena u Budžetu :

- ekonomski kod 614311 – Sredstva za osnovne i srednje škole, svojom odlukom odobrava Općinski načelnik ;
- ekonomski kod 614323 – Grant parlamentarnim klubovima OV-a – posebnom odlukom Općinsko vijeće će utvrditi način izvršenja kao i raspored ovih sredstva.
- ekonomski kod 614324 – Transfer udruženjima građana - transferiše se mjesečno u visini 1/12 plana.
- ekonomski kod 614300 – Tekući grantovi za kulturi i Ostali tekući grantovi odobravaju se na osnovu programskih zahtjeva koje odobrava Općinski načelnik ;

Član 14.

Sredstva utvrđena u Budžetu :

- ekonomski kod 614411 – Grant JU Kulturno-sportski centar i Radio Ilijaš
- ekonomski kod 614412 - Grant JKP Vodostan - subvencije snadbjevanja pitkom vodom iz lokalnih vodovoda.

Član 15.

Budžetski korisnici navedeni u članu 13. i 14. dužni su tromjesečno izvještavati nadležne općinske službe koje sačinjavaju Informaciju za Općinsko vijeće, polugodišnje i godišnje. Služba može u cilju efikasnijeg praćenja korištenja budžetskih sredstava tražiti mjesečne izvještaje.

U slučaju eventualno nepravdanja utrušenih sredstava Općinski načelnik može svojom Odlukom zaustaviti redovan transfer sredstava.

Za sportska društva zbog kalendara takmičenja transferi se mogu vršiti i shodno terminskim planovima i obavezama, a na osnovu njihovih zahtjeva.

Raspored sredstava i način izvršavanja grantova za ratna udruženja – redovan rad i sportska udruženja/društva vršit će Općinski načelnik svojom odlukom na bazi prijedloga resornih službi i Komisije za budžet Općinskog vijeća.

Sredstva grant za ratna udruženja – aplikacija programa raspoređuje Općinski načelnik svojim pojedinačnim Odlukama.

Član 16.

Sredstva utvrđena u Budžetu – ekonomski kod 615117 – kapitalni grantovi nižim nivoima vlasti odobrava Općinski načelnik kao direktne investicije Budžeta ili kroz udruživanje sredstava sa Mjesnim zajednicama.

Kod udruživanja sredstava u slučaju da sredstva Budžeta učestvuje sa preko 30 %, investiciju vodi nadležni Općinski organ. Ukoliko budžetska sredstva učestvuju sa manje od 30 %, moguć je transfer tih sredstava Mjesnim zajednicama.

Ovaj princip udruživanja Općinski načelnik može koristiti i u realizaciji kapitalnih grantova javnim preduzećima i neprofitnim organizacijama.

Član 17.

Kapitalne grantove i Kapitalne izdatke odobrava Općinski načelnik na osnovu Godišnjeg programa rada Općinskog načelnika, usvojenog od strane Općinskog vijeća.

Član 18.

Kod plaćanja obaveza utvrđuje se prioritet plaćanja, kako slijedi :

1. Otplata duga i kamata
2. Plaće i naknade uposlenim i zastupnicima
3. Obaveze prema dobavljačima
4. Transferi prema budžetskim korisnicima
5. Grantovi pojedinicima

Član 19.

O sredstvima tekuće rezerve Budžeta odlučuje Općinski načelnik koji kvartalno izvještava Općinsko vijeće o eventualnoj upotrebi navedenih sredstava.

Član 20.

Nadzor nad izvršenjem Budžeta vrši nadležni organ za reviziju, a praćenje nad upotrebom budžetskih sredstava budžetskih korisnika obavlja Komisija za Budžet Općinskog vijeća i resorna općinska služba za koju je vezan budžetski korisnik.

Član 21.

Za sva pitanja koja nisu regulisana ovom Odlukom primjenjuju se odredbe Zakona o budžetima Federacije BiH.

Član 21.

Ova odluka stupa na snagu danom objavljivanja u 'Službenim novinama Kantona Sarajevo', a primjenjivat će se za fiskalnu 2010. godinu.

Broj : 01 – I - _____ / ____
Ilijaš, ____.____.200___. Godine

PREDSJEDAVAJUĆI
OPĆINSKOG VIJEĆA ILIJAŠ

Ilić Petar

OBRAZLOŽENJE

Zakonski osnov za donošenje Odluke o izvršavanju Budžeta nalazi se u članovima 25 do 34 Zakona o budžetima u Federaciji BiH ('Službene novine Federacije BiH' br. 19/06).

Ova Odluka predstavlja provedbeni dokumenat Budžeta općine Ilijaš za 2010. godinu. Mada je ova materija praktično u potpunosti regulisana zakonima, smatramo da se na ovaj način još preciznije utvrđuju obaveze i odgovornosti Općinskog načelnika, kao i prava i obaveze Općinskog vijeća u procesu izvršenja Budžeta, a sve u cilju da Budžet općine učinimo još transparentnijim.

Obzirom da su u samoj Odluci, sva rješenja o načinu izvršenja Budžeta data precizno i jasno, cijenimo da nije potrebno posebno dodatno obrazloženje.

Predlažemo Općinskom vijeću da navedenu Odluku usvoji.

Služba za privredu, investicije i finansije